

葉文敏公集

葉文敏公集

詩

寄同年生

扈駕過海子園殿

海子夜直歸恭紀

春夜退直

喜素存丙霞二子並登第

出都門別同館諸君三首

途中偶成三首

道上見霜綴樹如花感而有作

河間晤戈侍御二首

雨中菊根

過岱寄王泊園大叅

東岳廟

登岱

孔子登臨處

五大夫松二首

元君廟二首

對松巖

憶昨行

席上放歌呈王使君十一元

登金山四首

冬夜渡江

旅次家弟孖舟相近喜而有作

梁將軍戰場歌

丹徒鎮題同年蔣解元壁

舟抵潯關立春後一日

咄咄行

蔣辰生吉士舊第

醉歌別友人

讀史偶咏二首

春盡

王元之謫居廣陵賦僧舍芍藥有感傷綸閣多情
客句予屏居田里偶過鄰僧院中適見此花感而
有作并寄鷺湖立齋二首

四月大雨余時坐臥小樓旦夕不能移步二首

秋夜與駿孫話近事三首

吳門喜遇濟南王龍師年丈

再同龍師飲山房

余愛李侍御滄葦詩有長安門外盡康莊之句適

有持漁樵耕牧圖求題者即用前句起
暗賦得
四首

野泊

扁舟

放歌聞除上林丞作

吳門贈別三首

渡江

清江

淮城詠古四絕句

王使君贈馬歌

途中詠物詩十八首

清明日河間道上

偶成

河間旅壁見西樵阮亭前後題詩

入都門

出左安門作

上王子雍先生

過大紅門

上高陽公

題上林署壁四首

署中紫薇一株花開時茂

上曲沃公

過安丘公故第

都門春望

題二畫扇呈知己

送左度孫學士歸里

庭鶴

張編修素存新婚戲題三絕句

送沈子相令新寧

報國寺松下

題畫戲示同館友人

簾

七月一日大雨書署壁

中秋對月有感

咸池

重到院中作

舊遊

院中花

出城望西山遇雨却返

雲梯

紫陌詩寄白緝

膏騰

贈琴客陳生生嘗從張御史渡海琉球之使

寂寂

吾廬

黠黠

偶見

送薛大武給事罷官歸里

偶然作四首

題茗文紫藤架三首

冢宰貞菴公相見次謄謄以進退人材為言兼念
及家兄情意真摯小詩二首奉獻情見乎詞
忽忽

胡給事宅邊聞蟬

擁鼻

重過安正公第

書董侍御齋壁

月夕

詠院中燕時已得請

潞河道中寄茗文石臞阮亭三君

舟夜有懷阮亭却寄

潞河

九日李郎中送酒

潞河城樓

東昌城下大風日號

濟寧太白樓

南池

得汪大都中書訊予近况賦此代答末章兼懷王
十一兄弟

乙巳除夕吳修齡過飲時予從郝門抵里八日矣

丙午元旦和修齡

人日

得二兄貴陽除目

題葛處士庭中綠萼梅

梅花

過山莊答鄰人問

村舍見紅紫花開時可愛

山行

舟中雨

春光

題梅村先生園壁

寓梅花菴將歸留別梅村先生二十韻

題梅村先生詩

同梅村先生汎舟園池

婁上遇相工諸遠之十五年前曾以遠到許予故
戲及之

贈許九日時許將赴知己之召

老樹同梅村先生詠

寄王惟夏表叔

宿翁氏山樓

荷花

耦耕堂居人話近事

得二兄黔中書二絕

題陳生詩卷

七月十三日紀事

秋夜

芙蓉花

葉文敏公集

詩

寄同年生

去年闕下逐行塵記得登科第七人
天闊好容龍偃蹇露高偏助鶴精神
裁紅暈碧花前句蹴踘彈琴醉裡身
欲貯醪醕三百斛待君踏盡帝塵春

尾

駕過海子園殿

是日賜諸臣酒饌

藥闕連霄起珠簷倚漢開
乾儀齊運轉雲物共昭回
聖主觀春至諸臣捧日來
橫經時駐馬講藝更銜杯
睿

學該今古宸衷切草萊屢煩前席問真覬後車陪宴鎬
卑周樂歌汾陋漢才從今聚仙館應作集賢臺

海子夜直歸恭紀

甲帳從容訪侍臣金蓮炬似月華新應羞漢主臨宣室
半夜空勞說鬼神

春夜退直

珥筆清晨直禁鑾歸來俄見月華殘銅虬咽咽水方永
青瑣瀏瀏風正寒玉面馬嘶離仗外絳冠鷄唱隔雲端
解衣重檢懷中事燒燭殷勤更細看

喜丙霞素存二子並登第

暖日花開照曲江青春走馬過紅窓行人嘖嘖誇風貌
何偃王成是一雙

出都門別同館諸君二首

先帝親遙四十人同時曳履侍 楓宸回頭霄漢恩波
闊過眼煙雲聚散新 紫禁從容諸國秀滄江頗賴一
閒臣擬將耕鑿甘終老未報涓埃敢惜身

離亭落日黯無暉良會應悲別後稀 闕下獨辭雙鳳
去天邊共指一鴻飛心懸宸極新頒朔淚濕
先皇舊賜衣明發定知還北望浮雲莫使滿郊畿

途中偶成三首

襖被蕭條出

帝京投簪真覺此身輕還家多喜逢親健報國惟知事
力耕燕雪朔雲魂乍冷吳山越嶠眼猶明東門黃犬華
亭鶴大有忙人羨爾行

二頃田廬半不毛行藏翻累客心勞一錢堪笑程都尉
隻眼難逢阮騎遭直北車塵還發發向東流水自滔滔
君恩深重真堪泣賦鵬投湘古獨遭

月白霜淒照大堤不教殘夢入金閨孤身并已無鵝肋
萬事唯應付馬蹄此日琴材堪作爨當時劍氣枉衝霓
女垣寂寂空城閉一任樓烏早晚啼

道上見霜綴樹如花初放感而有作

霜亦能生句粒成樹樹花烟封疑玉質韻冷比瑤華北
使持難贈南枝攀益嘆義輪開照近爛熳爾休誇

河間晤戈侍御二首

未省君廬在離愁宛爾舒榻綠孺子下屐進丈人初乍
覺鬢毛改轉驚言笑踈時當艱出處與爾共踈踈
猶憶登朝日同叨侍從禁圖書映東壁環珮集西清俯
仰乾坤隔風塵海嶽更

先皇恩寵在休負繡衣名

雨中菊根

百草萋萋爛死多孤根生意自婆娑後時獨立非無意
陶屈精靈尚不磨

過岱寄王泊園大參

五岳獨宗岱千秋靈德存唯公來作鎮繫體與齊尊襟
帶河流小兒孫峰立繁可應高處望足練是吳門

東嶽廟

嘗聞嶽禮準三公冕服居然帝子崇自有神靈尊陟降
誰將威福賦額蒙駁殘丹碧陰廊雨驚起龍蛇畫帳風
肯負興朝秩祀意頻年牲玉下蒼芳

登岱

振袂忽然凌絕頂，劉然長嘯破鴻濛。
響隨飛鳥落天外，身共日輪行半空。
碑認西京司馬筆，履來東海太公風。
家山指點知誰是，惟有白雲極望同。

孔子登臨處

曾經大聖登臨處，萬仞巖壑翠不凋。
七十二君皆土壤，百十億歲獨儀型。
風雲長護銘碑壯，咳吐真添海嶽靈。
堪怪後人空攘攘，正知來往覓云亭。

五大夫松二首

萬古猶存一朽株，風霜閱盡歲華殊。
明時梁棟無君分，只合羸秦作大夫。

漢柏唐槐盡渺茫古碑薜蝕徑俱荒孤根僵臥當官道
賺得行人笑始皇

元君廟二首

肅肅元君廟雲邊露伏驚像從何代遠名與此山高日
月環清殿烟霞拱翠旄晚來祠下望奏記有仙曹

仰探真經渺俯瞰益增屹迥出三千界平臨十六盤金
錢供御府香火肅祠官貯寶真如在昭茲鬱壯觀

對松巖

萬松相對拱而立一石當空劃面開欽承龍看白日臥
梳翎鳳下碧霄來虛疑飛瀑崩前壑空寶帕千雲觸上台

多少幽巖窮谷裡無人識滿盡奇才

憶昨行

憶昨親侍

至尊獵手臂角鷹騎駟鐵金眸玉爪鐵腦裂云是海東
諸侯識供之異種毛骨迥與凡鷹別微物

天子借顏色擎出滿朝避露立月給常支大官俸虞工
獵師皆飽食昨傳詔書下三殿忽罷高麗角鷹獻羽
毛縱遣出尚方羅罽蕭條委空甸乃知至人玩物不喪
志寓意何魯便留意墜淵如膝亦偶然君愚自古終難
恃朝陽梧桐露未晞有鳥有鳥方來儀口銜玉書翩翻

舞鸞驚鸞鳴和相追隨鷹乎鷹乎寧使汝才棄擲草
間不得用毋令鵲鷦鷯鴟貪殘好殺之輩搏擊助命增
光輝

席上放歌呈王使君阮亭十一兄

我昔排閭闔獻賦紫皇宮筆翻翠虹蜺手提生蛟龍黑
風吹天忽天裂泰山東崩海西竭羲和鞭輪：不起雲
旌雷車失行裂我時失足墮瀕洞弱水萬里沉一葉岐
路楊朱漫發悲窮途阮籍空流血廣陵十月潮如山片
颿直下背長安道逢使君停皂蓋緋袍懸：范叔寒感
此纏綿意一洗風塵顏酌君白玉卮擲我珊瑚鞭佳人

能為鸚鵡舞上客自吟鸚鵡篇酒酣仰天淚雙落拔劍
斫地心茫然王夫子汝是中原第一流余亦江東有心
客即今文章政事誰敢出公右三千手板淹澤國公卿
雖厭襏衣人如爾寧徒長上文墨我歸故里樂漁樵釣
竿學掣海上鰲買酒自澆要離冢移家欲住伯通橋人
生難遇是儔匹何論烟霞興簪笏我身願充五湖長君
才合入三公席他時仗鉞過江來莫忘吳市變名卒

金山四首

萬里無空闊孤峰聳沈寥閣收三楚雨門接九江潮鵲
窺青天勁魚龍白日驕棄桴吾豈敢行止任蓬飄

疊翠天開畫森奇鬼猷工驚濤飛破壁怪石走當空梵
明僧：寺帆櫓面：風遊魚與過鳥歷：鏡中同
海獄樓頭月江天閣外雲連年暗燼火幾日靖妖氛壁
壘南徐鎮旌旗北府君軍書生還自笑磨石待銘勲
吾友王明府題詩寵上頭俊人淹海角翰墨想風流月
黑精靈泣天高月列缺愁千秋留帶客與爾定堪儔

冬夜渡江

擊楫中流萬古情客心半落暗多驚天隨逝水茫：去
月共孤舟的：明潮勢欲吞郭璞冢角聲猶近呂蒙營
舟人指點前年事欲怪幾成監子名

旅次家弟孖舟相近喜而有作

執手猶疑入夢無
屋梁顏照模糊之官失路飢寒甚萬
里新途涕俱梁上尋巢看舊燕堂前反哺媿慈烏從今
喜遂連牀約休恨西窓夜雨過

梁將軍戰陽歌

天吳倒壺東海水毒露罩空白日死妖蛟百丈腥風黃
鬼馬踏空平地起龍江渡口天狗落燕子磯頭波聲惡
甕城一片墜降旗健兒十萬崩厥角將軍此時吳淞來
提戈一怒燭龍迴指揮五丁發神弩百怪辟易陰靈開
倏如秋鷹縱搏擊雨血風毛洒原隰又如春蠶食葉聲

千崖頃刻無留停
昨朝餘皇倚北岬
兕甲鑿刀耀飛電
今朝闕驪鍾山平
萬點哀嶙嶙蔽江
面捷書飛入玉河橋
天子開殿冊勲勞
鳴呼將軍正人豪
君不見黃鬚解卑
輕朝士側目獨畏
高齋曹

丹徒鎮題同年蔣解元壁

曾題名姓壓羣英
猷賦歸來畫掩衙
北闕已無求駿意
南山空有飯牛情
馬卿豈合稱才子
阮籍終應喚步兵
醉後掀髯重看劍
與君悔作兩儒生

舟抵潯閩立春後一日

今夕是何夕。暄暖風客。頻春光不相待。先我到吳閨。滅
燭延新月。推蓬認舊山。連牀中夜夢。安穩亂流。

咄咄行

咄咄復咄咄。空城白晝生荆棘。前有猛虎後有長蛇磨
牙鼓吻。爭人食我。欲射虎還斷蛇手。無利器空顏流涕
來故里。不見春。但聞天陰鬼哭聲。啾唧吁嗟乎。三吳百
萬戶。東南自古稱雄國。縱橫白骨高于山。民命本輕奚
足恤。只愁公家重財賦。縣官租稅那收給。君不見大星
芒鬣光盈尺。海底九鳥朝並出。魚鱉曝死蛟龍泣。天明
日夜飛霹靂。俯瞰下土血殷赤。真宰之怒猶不息。

蔣辰生吉士舊第

冷巷蕭條不見春，雀羅珠網盡傷神。
空留少婦持門戶，怕對衰親作主賓。
案上螢來棲敗幌，堂前鵲去墮承塵。
酸辛並馬金臺路，生死交情幾箇真。

醉歌別友人

去年送君燕臺側，君方搢翅無顏色。
今年遇君闔閭城，我已抽却頭上簪。
人生相知不相見，何似賓鴻與社燕。
多君惠我好句新，錯落珠璣盈便面。
春風貽客百花天，壚頭日：酒家眼。
紅粧小婦歌金縷，白馬少年拂玉鞭。
與君對花酒如海，人事滄桑朝暮改。
桂館蘭宮久不開。

西園東壁知何在今日相逢且盡歡明朝別去路漫
屋梁落月如相憶時展懷中尺素看

讀史偶咏二首

千古東門道秦家復漢家已無丞相尤那有故侯瓜
成都八百桑梓陽五株柳出處或異焉忠孝如一不

春盡

濕雲漠漠覆沙汀春風春雨畫官冥花似飲愁初欲睡
山如中酒未全醒人間那有屠龍技世上虛傳相鶴經
簾外光陰不相待空教鶯語費丁寧

王元之謫居廣陵賦僧舍芍藥有感傷綸閣多情

客之句予屏居田里偶過隣僧院中適見此花
感而有作并寄鸞湖並齋二首

顧影嬋媛不自持芳菲空覩土階遲淒涼晚日辜新寵
顚顚春光泣舊枝綸閣夢迷起草地錦袍腸斷賞花時
敢思五味為君和惆悵茅簷淚暗垂

萬年枝上轉春暉憶爾同時下直歸白髮飄零餘我在
青君傳侶似君稀雕闌望斷人何處金屋恩深夢已非
怪底天香消不盡可憐還染衲生衣

四月大雨余時坐臥小樓旦夕不能移步

驟雨行無節寒雲凍不飛晝長凭竹几客去鏤柴扉梅

藉水功熟榴傳火德微未應告夏令重理木綿衣
池漲疑無所樓居恰似船一枝吾自適百尺客誰賢
盈涸隨溝澮行藏信簡編豈真遘腹滿贏得枕書眠

秋夜與酸孫話近事三首

十年回首一同遊牢落西風臥一丘我作官人疑劍外
君真廷尉望山頭髮如綠州經秋短身似黃楊過閨愁
苦欲乘槎問消息夜涼河漢正悠悠

雲霄數子共騰鸞上殿常邀

聖主恩醉酒時汗登相席揮鞭不踏五侯門風前淚落
山陽笛月下愁傾北海樽今日昏我與女齊名江左

魏時論

翟公賓客散如烟絮酒生芻幾箇探東閣久應成馬鹿
西州空自笑羊曇闔棺終荷

君恩厚正笏誰將國是擔三載扶風門下士猶餘窮淚
洒江南

吳門喜遇濟南王龍師年丈

三載京華別相逢但言存黃塵辭上國白眼失中原俗
薄輕文士時清厭酒樽留君共寂寞薪月到柴門

再同龍師飲山房

勝地堪乘興臨高數舉觴天清秋在水樹冷月浮霜吐

咄般生病栖魯叟狂此心兩不有何事爾難忘

余愛季侍御滄葦詩有長安門外盡康莊之句適
有持魚樵耕牧圖求題者即用前句起韻賦得

四首

長安門外盡康莊千頃玻璃水面涼閑弄綸竿消永晝
醉橫鐵笛送殘陽蘆花深處睡惺惺穗菰飯香時味更長
拭把鴛鴦較鷗鷺輸他萬里濯滄浪

長安門外盡康莊持斧空山白日涼但得烟霞尋麋跡
何知人世劇羊腸憲蟠栢葉齊明火鑄煮松花午作糧
笑指五雲還北望天闕虎豹倚蒼蒼

長安門外盡康莊鑿井耕田自一方洞口逢人驚晉魏
憲前散髮對義皇鷄豚旭日初晞社米黍秋風早築場
爭席久知野老情休疑國是費平章

長安門外盡康莊叱犢溪泉飲水香笑爾寰中方逐鹿
怪他世上有亡羊書堪挂角供朝讀豈待歌頭納晚涼
何似咸京貴公子空思上蔡更牽黃

野泊

蕭條殘日諒寒鴉野岵維舟靜不譁高寺風多聞夜磬
遠村木落見人家犬聲似豹來窮巷螢火如星渡淺沙
入望明河應更南祇憐無計問歸槎

扁舟

扁舟起晚潮，獨坐聽鳴橈。
野鶴渾相識，沙鷗時欲招。
楓明霞岸，蘋吐雪朝，簾笠真堪老。
何人愛寂寥。

放歌聞除上林丞作

休休休，咄咄咄，莫問天南與地北。
人生老大貴適意，安能頭帶儒冠行。
行，行，行，新年偏得隴上田。
手牽黃犢犁春烟，倦來典衣沽酒飲口角。
日，常流涎玉皇，怪我山中臥雲間。
五色天書墮教我，種玉耕天田。
教我搥藥守月戶，左持義和三尺鞭。
右操吳剛長柄斧，扶桑若本撐天長。
莫令橫枝旁柯礙，却白日光廣寒桂樹影。
未滿莫令

蘇侵靈囓折却千年幹大鵬奮翼垂天池恐妨金烏頭
上飛妖墓蝕輪時蔽虧玉兔奔走中宵疲我聞此言色
色惆悵微臣奉職誠無狀諸葛躬耕南陽旁公孫飼豬
東海上只曉人間事樵牧那知天上事
笑失聲嗟爾弄筆一狂生昔年見汝十二城羣仙環珮
翔蓬瀛如何麻衣顚顚太癡生神枯髓竭喪真形只今
天宇將晏清慶雲甘露醴泉盈麒麟駕車鳳奏笙安期
棗熟蟠桃熟並不須還力畊汝但扶犁把鋤自休息摩
娑雙眼看太平

吳門贈別三首

春風江上獨鳴橈，愴別殘魂黯欲消。
爲去人來人肯，花開花謝兩無計。
休將心事托漁樵。

南北相望路幾千，鄉閭回首更淒然。
便教歡笑無多刻，縱得音書定半年。
去客偏憐沽市酒，家人錯怪過江船。
梅花到處開如雪，珍重他時遠使傳。

羸馬重驅入紫宸，微裘三月走風塵。
休嫌弱水飄舟客，曾作蓬山罵坐人。
草暗閑河遮舊路，鶯啼驛樹達新春。
烟波不少容身處，爭最清時乞釣綸。

三年兩渡客計竟如何市酒消愁少江花恨別多自憐
輕道路不敢怨風波羞見垂見綸吳淞浪正欲歌

清江

清江水色碧于苔南客扁舟北渡來曉日未瞻鷓鴣觀
陰雲已滿鳳凰臺漫防酒醉先防醒不怕花殘却怕開
無限傷心還自語此生終見太平迴

淮城詠古四絕句

城下陰風卷日昏楚歌未了盡聲吞八千子弟如烟散
只有佳人不負恩虞姬

橋邊納履話從容千古英雄是此翁枉把詩書盡曉却

陰符一卷出懷中

北土老人

爲盡弓藏自古嗟真玉遺恨日西斜一身未省歸何處

枉却墳旁置萬家

淮陰侯

荷鍾隨身好掩形酒徒醉倒夕陽亭銅鈿指日生荆棘

此世知君不願醒

劉伯倫

王使君贈馬歌

先皇御寓親誦武千乘萬騎連天起朝射郭杜南山旁
暮宿長楊北宮裏我騎瘦馬日尾從四蹄流血汗沾脅
八皇一顧拍案笑爲貽安得隨真龍特勅奚官牽駿
頭昂渴烏跨山峙玉勒驕嘶不肯前金羈猛掣欲飛

去書生奉 詔氣如虹翻身一躍凌長風恍惚排雲上
闕間光滅影躡太空自從昂成棄四國龍池日日飛
霹靂天閑雲錦萬匹強閒人那覩乘黃色我亦南歸學
刺舡扶犁把耒學餘年飯豕海濱消白日騎牛隴上看
青天感君憐我太輾柯自脫左驂親贈我只嫌髀裏肉
盡生據鞍顧盼無一可此馬髣髴天馬形我一見之毛
骨驚安得致汝貢

天子自傷身賤心難明黃金臺高：刺目昭王一去春
州綠卻憶銜圖伏皂時衰：只向鹽車哭

途中詠物詩

雲

巫峽高。湘水深。來從何處去。難尋遠。隨孤鶴。一片影。
輕給平田十里陰。未信為霖終有日。應知出岫本無心。
自憐飄泊常相似。目斷氤氲滿禁林。

新月

娟娟細魄吐。迢迢隱漢藏。雲迥莫親。春機乍疑鉤。隨影
開簾直。認鏡生塵。預愁灰正安。難定漫訝寒。纖照未勻
寄語姮娥。勞自愛。夜來斫樹是何人。

細雨

飄如輕霰散如絲。洒幕侵燈獨夜時。幽伴苦吟聽更遠。

恨和殘泪滴俱遲。寒門白日消都盡。京國浮雲望愈疑。
曉起前林倍恹悵。百花狼藉草華滋。

梅花

亭：王立正消魂。照眼寒英處。繁爭他。忍負他。春白
晝最難忘。是月黃昏折。殘野岸俱無主。開遍村家盡掩
門。料得有誰憐。寂寞祇應嗔。雀自爭喧。

松

百尺森疎倚梵宮。霜欺雪壓更蔥龍。晴搖翠粒娟。露
雨裛蒼鱗。冉冉風漢時荒。來龍馭。斷葛仙去後。鶴巢空。
西園桃李時相笑。占盡韶華住。綺櫳。

杏花

曾托孤根上苑栽，數株飄拂野塘隈。
艷隨流水客，香逐輕風款。來猶疑生成夢，
雨露敢期移植近樓臺。可憐攀折供人便，
辜負東皇著意開。

柳

漢宮三百六枝樓處，垂陰滿御溝。
天子折來親賜佩，內人插遍待招遊。
思攀纖手絲千縷，欲開脩眉黛一鉤。
今日相逢江岸上，藏鴉繫馬不勝愁。

枯樹

無復凌霄背嶺心，千尋落臥幽岑。
敢將榮悴爭時代，

獨與巖流共古今縱使汎來難近漢便放斷就不堪琴
南朝名士雖工賦未解莊休意更深

青州

春風吹遍却還生一片青、染不成南浦別來猶鬢
西堂夢去窳分明待施舞席層、滿思嶺香車處、平
露壓烟迷多少恨幾人為雨倍傷情

燕

飄零此去欲何依滿目東風計總非翠幕香消春宵、
西梁月斷影微、釵頭曾憶雙栖穩掌上誰憐獨舞稀
知有舊巢無路入馬前惆悵亂紅飛

鶯

何年卻下建章枝
駐馬斜陽獨聽時
湯有奇姿臨野水
空傳巧語出村籬
五更百舌休相妬
一樹繁花祇自悲
好謝嚶鳴舊時伴
春風那憶有佳期

鷺

曾隨春水汎輕潮
浴罷橫塘第幾橋
汀草汀烟愁漠漠
江南江北恨迢迢
青天飛處雲離岫
碧樹樓來雲綴條
京雒風塵今正滿
可能不上素衣飄

鳥

羣飛羣起夕陽西
啞々天邊接翅齊
秦女機頭愁未歇

蜀姬紅裏怨初低風號黑夜憑巫語月冷黃沙雜鬼啼
莫笑紛紛：惡毛羽鳳城多半是若棲

蜂

小苑華未池路未遙衆香深處坐朝：共宮美女爭塗
額一圓佳人盡細膏時逐柳花飛掩冉暖隨蜨翅去隨
飄卻驚樹底紛：散憶得當時早晚朝

廢宅

墮碧顏朱委道邊歎銀魚輪倍淒然更與上客迴珠履
時有行人拾翠鈿颿蕩離中鬢自入雨淋檐斷燕還遷
阿誰記得當年事可許輕臨画閣前

叢祠

冕服巍巍列像崇也應一國有三公邇知此日生民病
慣竊從來造化功篝火妖狐鳴半夜啄腥怪鳥噪西風
堪憐野老紛陳乞猶自殷勤望歲豐

琴

鍾期已逝蔡邕亡太息朱絃尚在房玉軫金徽誰愛惜
高山流水自淒涼蛛絲斷處星爭露黦斧停時語忽長
伐盡梧桐千萬樹不教重種嶧陽旁

殘鼓

殘鼓微々背臂幽銅壺銷盡轉添愁可憐夜雨黃茆驛

最憶春風紫桂樓
顧我已甘灰
並冷問君何恨
淚長流
多情此夕分明
處不照華筵
照白頭

清明日河間道上

客裏對春、可憐况逢佳節
更潸然一枝兩枝
還插柳
十家五家常禁烟
夢州不青惟北地
望雲多白南是天
依稀憶似故鄉處
水鳥雙飛綠滿川

偶成

斷簷誰家婦
徒行陌上塵
都言趙宮裏
原是舊才人

河間旅壁見西樵阮亭前後題詩

兄弟烏衣擅盛名
十年游宦各關情
因君重作江南曲

一夜池塘草盡生

入都門

三條九陌望中清，又覩青雲接鳳城。
身逐梗萍和浪轉，心同葵霍向陽傾。
重教隱士嘲西笑，漫託騷人賦北征。
使隔風波千萬里，人間何路覓蓬瀛。

出左安門作

上坂崎嶇下坂爭，何須九折始心驚。
書長厭聽僕夫語，來往惟言路不平。

上王子雍先生

三年函丈沐清光，玉笋叨陪最末行。
自笑門生新印綬，

卻慙夫子舊宮牆
鶯啼渾欲迷芳樹
燕語猶能記西梁
惟有邨恩知不忘
寸心應共海波長

過大紅門

武帝昇天去不迴
萬年方創集靈臺
金輿寂寞荒煙合
玉殿參差返照來
鳥啼乍疑仙樂動
花殿猶望御筵開
白頭消渴餘生在
羞識當時獻賦才

上高陽公

紫霄烟靄畫沈沈
獨掌鴻鈞副

帝心萬卉齊搖松
自鈞衆流皆涵海
常深豈貪黃閣形
酒面要與蒼生早
作霖一物祇今無
失所肯教羣下有

遺音

題上林署壁四首

守拙真忘拙求閑果得閑濯纓貪照水拄笏飽看山何
術堪逢世無能合抱關此身吾自料材與不材間
不敢稱高臥還應勝折腰吏人閑採收官舍長蔬蓄
鵲尋枝倦牛羊上坂驕南山田我日蕪穢到今朝
三月三月已過半郊原尚朔風未抽庭幙綠難寬野棠
紅笑逐祝鷄叟聞隨失馬翁春光正浩蕩願與萬方同
遙宮闕聳天半望觚稜木末塵中客時逢林下僧禁
瓶常夜起抱甕獨晨興早晚相期處還思不負丞

署中紫薇一株花開特茂

念爾非凡種綠誰謫墮來亦知顏色好卻背艷開陽影
弱依書幌枝低亞酒杯託根同失地欲去更徘徊

上曲沃公

兩朝出入秉絲綸共說

先皇社稷臣肝膽傾來緣薦士頭鬢枯盡為憂民敢同
門下三千衆恥作堦前十九人何事感恩心獨切一年

兩度沐陶鈞

予已亥三月
御試舉南宮皆出公薦拔

過安丘公故第

陰、古巷畫長幽一度經過滿目愁謝傳園基無別墅

庾公明月有高樓

公在日有言其第宅踰荆者勅賜按驗惟小樓數椽

馬嘶徑裏行頻駐燕

蹴簾空去不留獨抱鰕生兩行淚感恩兼為感時流

題二西扇呈知己

灼灼朱霞射曉空花開花落片時中爭知海上蟠桃樹

直到千年一度紅

朱權花

珠果曾登寢廟來孤芳今見伴蒿萊無人攀折無人賞

贏得春風自在開

櫻桃花

送左虞孫學士歸里

公竟拂衣去翩然辟帝關須令千載下猶見一人還鴻

鵠清霄遠龍蛇大澤間翻嫌謝安石捉鼻向東山

度鶴

池伴推顏花下鳴雪衣丹頂不勝情思鄉遠隔華亭水
憶別長牽縵嶺望雲路斷寧生悵望鷄羣立寂憎分明
終年一飽知難得敢想乘軒道上行

張編修素存新昏戲贈三絕句

穠李夭桃各自栽天公移向一春開若非詞客生花夢
那敵閨人詠絮才

一曲瑤琴兩意兩意和文園幽興近如何可知夜語脂
處香處比似金莖解渴多

綉閣纔離又玉墀宮衣日：印顰脂袖中好帶朝天筆

西日歸時便西眉

送沈子相令新寧

聞說新寧地，千山復萬山。
看君雙鳥去，獨抱一琴閒。
花落空城裏，鶯啼廢壘間。
須傳明主意，為念遠人艱。

報國寺松下

東歸無處不相思，各抱貞心兩地知。
常恐使愁陵谷變，何因重有雪霜期。
多慚麗日殷勤照，敢望和風次第吹。
為語時流莫輕棄，歲寒應是識君時。

題西戲示同館友人

舞風歌月舊時嬌
寂寞胭脂半欲消
好語楚王宮裏伴
披圖莫更妬纖膏

簾

西樓西畔曲堂東
銀蒜低垂面
同影層疊千層花掩
冉花搖一片霧朦朧
沈伴夢宵難醒漠
遮春路不
通愁煞綠窗驚
髮女幾時容易出房櫳

七月一日大雨書署壁

七月一日南風急
倒卷海水飛
五天吳紛趨海若走
怒濤惡浪割相射
野夫夢裡枕席驚
忽疑萬馬中原奔
又似刀摩與劍突鎗
銅錢烟塵昏披衣
眎天容墨

扶桑金鷄叫不得但見玉女投壺失笑屢開眼東方阿
香掉車扇霹靂酒更床榻成深淵龍宮鬼國在眼前拔
劔裂背忽大叫失勢恐落饒蛟涎誰為縱此雨工惡我
欲乘雲訴寥廓虎豹森々爭攫人九關不肯輕開鑰上
帝尊嚴絳闕居白玉為閣黃金除瑤池傳觴百靈醉那
知下土民為魚罡風吹我墮塵陌猶聞哀穀滿數澤裂
裳擁被塞耳臥凍蠶縮繭鳥塌翼君不見長安哀々多
公卿衝泥躍馬氣橫參朝來此筆緣何事惟頌商家傳
說霖

中秋對月有感

不遣微雲滓依然此太清無私應解照有象盡能呈影
浴金河淨光含玉露盈流螢何意緒猶向隙窻明

咸池

想像咸池出浴遲扶桑隱、竈高枝無人為喚陽烏睡
萬國中天待照時

重到院中作

玉堂鈴索響丁東禁籞深沈有路通春色未須嫌晚晚
花光猶自愛蔥龍坡前視艸鸞俱集池上吟詩鳳不空
肯笑一枝棲處少幾多梧竹月明中

舊遊

犀押相簾拂地長舊曾遊處撲衣霜淒涼漢主黃金屋
惆悵廬家白玉堂蘭為作膏終化爐桂綠經靈枉留芳
一雙紫燕尋巢入只認當時玳瑁梁

院中花

灼灼初開曉輝二青瑣晨自矜曾笑日不肯更撩人蛺
蝶看無數鶯啼恨太頻誰知禁苑裏亦有寂寥春

出城望西南遇雨却返

萬重雲霧暗巖關紫翠蒼茫宵漢攀會待長風俱掃盡
家關戶有西山

雲梯

鶴因深林玉貯泥強將病眼望雲梯誰能寂々心無悶
長悵慙々運不齊魯國豈知容海鳥秦臺枉自駭山鷄
多情紅蠟相憐惜只向春宵泪似啼

紫陌詩寄白緝

紫陌風吹撲面烟朝來昏去只駢闐便教白日有沉處
爭奈紅塵無盡年得路馬皆矜腰袞隔簾花更聞婵娟
何如一叩梁居士半夜心清繡佛前

囊騰

醉便囊騰醒便哀思量無計絕嫌猜千條西燭難爭月
百樹奇花深處梅倚柱立多頻悵望遠廊吟徧只徘徊

瑤池宴罷酒史事一瞬終看八駿回

贈琴客陳生嘗從張御史渡海使琉球

一曲南風始奏薰碧空飛盡海山雲莫言古調無人賞
猶有魚龍會識君

寂

寂々空庭淺々齊愛閒
寂寞是無才蒼苔舊為尋詩破
素醞新因百閤閑蹀躞馬看隔巷去
悠揚蛟怕過牆來
羸童擁絮呼慵起不信春光到卻迴

吾廬

浩蕩東風寄此身
吾廬雖破足相親
月如遠客歸常夜

花當離人見隔春誰信東方官是隱應知原憲病緣貧
此生爭不甘淪落未解何門去掃塵

黯

黯黯輕寒減復增半床明月一簾燈睡難穩似懷春女
坐易枯如結夏僧雨細尚能淹楚簟風疎渾欲透吳綾
明朝怕向城西過愁對裁衣數似冰

送薛大武給事罷官歸里

魚嗟壯歲早抽簪去國休為澤畔吟當寧愛才還側席
故交惜別更沾襟階前白馬行空意臂上青蛟竦漢心
隱躍眉端黃色露看君那肯老長林

偶然作

長安六月熱似火開官舍冷如寒冰陋巷十日車馬絕
坐上賓客惟青蠅白玉雙瓶紫絲絛一吸長鯨卷滄溟
搔首叫天、不聞不應天醉我獨醒

去年此日雨傾盆今年此日風拔木黑雲崩山雷破柱
庭前白浪高于屋魚鼈盡舞鰕鰂翔渴餐人血如酪漿
點婁一餓四十日不堪與女充飢腸

有鳥有鳥好雨翰烏衣繡臆人皆羨春風錦幕西堂開
珠簾十二遊曾徧主君一別幾星霜啣泥暖食少輝光
阿誰記取前人意放爾還棲玳瑁梁

古人落、俱黃土、今人紛、何足數、酒酣擊碎王生壺、
狂來自揆、福衡鼓大兒、是孔小兒、楊瞪眼、猶識梁與王、
死後齊名、那可較、生前贈處、莫相忘、

題茗文紫藤架三首

紅塵日日馬蹄生、踏徧天街不記名、只有君家容易認、
紫藤花底讀書聲、

幸與高賢相近栽、芳菲那肯闔春開、除君共我憑欄望、
更有何人解看來、

輕紅淡紫自無難、粧拂檻拖檐錦幙張、卻慙楊花太無賴、
異香深處獨顛狂、

家宰貞菴公相見次謄以進退人才為言兼念
及家兄情意真摯小詩二首奉獻情見乎詞

廿年清望冠諸公新領銓衡職更崇玉尺自量羣品上
冰壺獨湛萬人中披開雲霧青天皎搜盡珠璣碧海空
知道報

君惟薦士只今吐握有誰同

早同獻賦識相如晚向高門濫曳裾

家兄與公同領壬午鄉薦戊戌殿對出公門下

北望可憐迷雁翼東歸寧為憶鱸魚已飲季布千金諾
肯惜劉弘一紙書願借春風速調律有人寒谷待吹嘘

忽忽

忽忽秋都盡蕭蕭。畫簾陰交。因循易淡。門為閑長。深新
雪催雙鬢。寒灰證此心。南飛何處。雁愁絕。故鄉音。

胡給事宅邊聞蟬

一樹金風動晚烟。苦吟狂噪。夕陽前。早知徒聒愁人耳。
爭似寒宵抱葉眠。

擁鼻

擁鼻褰裳上馬時。此處何處許相宜。百千隊裏懷常法。
十二衢中步獨遲。未免形容溪鳥笑。可憐心事落花知。
鱸魚正美蓴絲脆。莫到秋風更後期。

重過安江松第

重過西州慟一聲
羊曇元是謝門生
紫羅囊底殷勤認
玉樹欣看照眼明

書董侍御齋壁

長安惟此徑日一綠苔生地僻塵難到
寔幽夢易成汲泉防竹洗分食待禽鳴
笑對花開落知君不繫情

月夕

兔寒蟾冷桂花香
馨涼露無殺侵廣庭
誰信姮娥愛孤潔
錯將幽怨託青真

咏院中燕時已得請

玉署雙棲燕低飛
金井闌已知歸意決
更念報恩難

潞河道中寄苦文石臞阮亭三君

一辭魏闕動卿情試着荷衣體便輕儘有琴書添氣象
更饒烟月伴淒清汀花見客遙相笑渚鳥窺人漸不驚
爭敢向君誇得意免教羸馬九達行

滿湖秋水碧于天濯罷塵纓更洒然驚浪乍看鱗撥刺
穿雲時對燕翩翾溪頭叟過同爭席林外僧來許餉泉
只少新詩酬景物若吟不見謝臨川

舟夜有懷阮亭却寄

三年纔得一宵同故忽分飛似燕鴻醉裏共憐歡艸
醒來真悔別家人如明月圓常少恨比流波逝不窮

此夜詩成誰共賞祇應吟向沈寥中

潞河

鄉愁旅恨兩難平永驛山郵阻去程不忿潞河波上月
流光直到闌閣門城

九日李郎中送酒

佳辰寂寞臥江濱候吏傳呼送酒頻雖是陶家常謝客
今朝不拒白衣人

潞河城樓

曉日東南路浮南西北樓辭朝

天萬里應闕客扁舟喧岼陰蟲夕橫江老鶴秋可知

中夜夢只是到宗周

東昌城下大風口號

洪流浩：接天津獨客扁舟正斷魂恰似當年爰居鳥
避風來宿魯東門

旭日瞳：尚照空拔山動地勢何雄當朝變理今誰
是可管黃風與墨風

濟寧太白樓

一醉偶然事茲樓萬古傳我來弔遺跡雲木共蒼然攬
鳳下千仞騎鯨吸百川滔：檻外水猶比濁醪賢

南池

東屯西瀼跡全荒何處先生舊
州堂賸有南池風景在
殘蟬依舊噪斜陽

得汪大都中書訖予近况賦此代答末章兼懷王
十一兄弟

層疊離懷黯自如刺于茹檠亂于綠夢中屢逐追歡地
醉裏頻吟贈別詩怕按危弦腸易斷懶拈清鏡髮先悲
黃金若使真堪採不鑄君來更鑄誰

歧路西東舉足生故鄉翻似異鄉行
石碑衙上誰能語
碁局中心自不平
虛為花陰憐宿雨
每曰月好厭春晴
淳于善笑唐衢哭
未敵長吟半句情

浮雲暗靄日車藏東望扶桑萬里長
蜃自蔽空艸作屋虹雖架遠不成梁
移山欲笑愚公拙填海終悲帝女狂
爭敢遽誇身事了一竿烟水遠相忘

陸家兄弟本奇才入洛聯翩竭翅迴
空有心常依禁闥可憐泣盡化瓊瑰
二玉俱以卽下泥埋騏驎終教瘦雪壓芝蘭不放開
曾忝交知稱夙昔暮雲春樹更餘哀

乙酉除夕吳修齡過飲時予從都門抵里八日矣
窓拂蟲絲徑翦菜為君解榻暫徘徊
魚多景色除將盡有幾人能暇即來
碧棗香抽雙穗出紅催燭報一花開
相逢不用嗟窮老差勝天涯濁酒杯

原缺

消愁還有雀羅門
窓前鳳餒桐生子
階下龍吟竹長孫
二雨甘禾桑百本
與君事業在山村

村舍見紅紫花開時可愛

挿棘編荆茆舍清
此中誰擬見傾城
紫絲作障遮空暗
紅錦裁衣曳地明
惆悵忽從攀處得
淒涼多為別時生
不須更結繁華夢
野蝶山蜂自有情

山行

春濃如酒水如油
乘興東風上釣舟
壯志已消還擊楫
孤懷無奈更登樓
柳絲愛客舒青眼
梅蕊禁人弄白頭
早被山靈暗相笑
年年心事逐沙鷗

舟中雨

倚蓬獨對冥。雨卷箔時聞蕭。風坐似維摩方丈裏。
人如陶峴面圖中。掠波水鳥一雙白。照岸林花無數紅。
歌罷滄浪還自笑。塵纓欲濯與誰同。

春光

暎日驚黃柳。迎風鴨綠波。春光能嫵婉。塵夢只蹉跎。
姓沉腰常瘦。名安髮易皤。簪裳行已矣。樵釣待如何。

題吳梅村先生園壁

即余別舊園

今日南朝庾信宅。當年宋玉是前身。他時莫笑青山異。
隔代同園懸彩筆。新夏木千章雲霧。秋池一曲月鱗。

此來本為問奇字當作門前題鳳人

寓梅花菴將歸留別梅村先生二十韻

大雅寧中絕斯文見代興方今獲婁海在昔比廬陵到
峽淵源壯迴瀾氣象增片長勤賜獎一菴曲蒙矜鄭驛
人皆仰楊亭世共稱焦牙思潤澤倦翮偕飛騰末契慙
王粲通家托李膺趨承心有素蒙沐禮難勝酒壘環三
匝盤壇樹百層每容寒幟入直許接發登佳三顏杯案
時觸醺醺人言或近傲公意乃忘憎菱澗清晨耀雲
霓靜夜澄水應窮浩渺山必陟峻嶒無復虞直網何勞
畏繳璫幽懷殊浩蕩別緒轉因仍短綬拋金全易長鏡

把尚能多年曾納履此日更擔簦願作隨陽鳥終情附
驪繩千秋端有在斯語信堪徵

題梅村先生詩

千古茫茫事先生一瓣香自然推御主孰肯後來王江
漢波瀾濶星河皎景長平生私淑意未敢望升堂

同梅村先生汎舟園池

春堤細雨過綠漲一篙波不向孤峰往爭如遠興何誰
傳枕流語共聽濯纓歌試問仙舟上今朝載幾多

樓上遇相工諸遠之十五年前曾以遠到許予故
戲之

十載無媒滯一官相逢猶是昔年官
寒鴈肩火色今何似誤却新豐道上看

贈許九日時許將赴知己之名

我愛許夫子天矜作達名一生惟句在萬事到杯輕
覓主思魚食依人待馬迎近傳虛左意鄭重為侯嬴

老樹同梅村先生咏

落森千尺陰不覆四鄰勢將危鸛鵲色不愛冬春
詰曲形全古婆娑意自新風來窺蓋偃雨過露苔皴
曉聽枝喧鳥宿逢影搏人高齊著書罷時一撫龍鱗

寄王維夏表叔

王家有癡叔，日日酒壚眠。世業剩千卷，長貧無一錢。風流鶴氅外，意氣唾壺前。忽漫思君處，中宵欲刺船。

宿翁氏山樓

澄波萬疊竹千竿，延眺層樓景色寬。過雨山疑輕沫見，穿雲月似隔帷看。清蓮暗墮紅衣冷，冰鳥驚翻翠影寒。心事欲拋，未得無言倚，偏短長欄。

荷花

千二百鷺鴻，翩然小隊同。采珠洛浦上，弄珮漢江東。顰處矜眉翠，啼時怨臉紅。一生心事在，辛苦綠房中。

耦耕堂居人話近事

一枝翠柳碧苔封天遣多情不負儂
堦下蘿蘂成勁艸
庭前桃李傲霜松峰疑殘燈含愁
亂月作羞蛾鎖恨重
金谷繁華尚如舊墜樓心事更從容

得二九點中書二絕

千金片紙半年程
汨濕絨題字滅明
第一書中難忘處
對床風雨五更聲

苦竹岡頭望故鄉
千峰萬嶺路茫茫
如何割得愁腸斷
枉說山尖似劍鉞

題陳生詩卷

有美區中秀翩然
意拔羣鮮吟謝客
句能神馬卿文濯

濯足疑柳飄飄忽似雲試將琴抱出市上幾及聞

七月十三日紀事

昨夜雷車傍斗杓太阿光氣燭羣層霄猶傳宮禁新刑
馬旋見君王角射鮫泉識禍萌驟乘日誰言劫在委裘
朝漢昭十四真年少驚倒朝中大小僚

秋夜

眼看秋盡此江濱客自淒清酒自醺欹枕夢迴鍾窅窅
窺梁影墮月紛紛豹棲岩底終嫌霧鶴宿松巔更礙雲
誰念多生憔悴質年年踪跡在大羣

芙蓉花

雨欺風壓苦禁持
墮白飄紅滿曲池
敢向人前怨摧折
自憐遲暮失春時